

顧炎武全集

16

顧炎武全集

常州圖書館藏章

16

江西備錄

形勝

大江迤西，川谷環縈。惟十三郡，羅列圖經。吳頭楚尾，粵戶閩庭。形勝之區，險兼阻并。彭蠡汪濊，廬嶽崢嶸。左江右湖，風氣澄清。勿謂壤遐，近於藩屏。綿谿延嶺，控帶荆、衡。既固我圉，亦誠厥甿。俯安封域，仰佐昇平。

東有海鹽章山之銅，三江、五湖之利，亦江東之都會也。漢書吳分野。

水陸四通，山川特秀。咽扼荆、淮，翼蔽吳、越。雷次宗豫章記。

襟三江而帶五湖，控蠻荆而引甌越。唐王勃滕王閣序。

洪、江、饒、虔、吉、信、撫、袁，悉屬治所。唐韓愈滕王閣記。

爲淮、海之襟帶，作吳、越之把握。唐封敖記。

南距五嶺，北奠九江。宋范致虛記。

江西路環數千里，爲郡十有三，爲縣五十有三，控引荆、湖，襟帶吳、越，爲上流重地。宋李綱乞差軍馬劄子。

江西一路，輔翼建康，駐蹕之所，蔽障閩、廣，接連荆、湖，自江以北，控引淮西。李綱條具防冬利害。

鍾陵奧區，楚澤全壤。天開翼軫之疆，地扼江湖之國。宋王應麟玉海。

江西之爲省，東接閩、浙，西連荆、蜀，北踰淮、汴，以達於京師。據嶺海之會，斥交、廣之境，蠻服內向，島夷畢朝。提封數千里，隆興則其治所也。元虞集江西行省惠政碑。

星麗斗牛，地兼吳、楚。據百粵之上游，壯雄藩之重輔。明胡儼滕王閣賦。

統三府論之^(三)，江西諸水，總匯鄱陽湖，瀉注大江。匡廬山障之，饒州在其東，稍西北而南康，又稍西北而九江。其地東接徽、衢、池、慶，西接蘄、黃，武昌大都，爲豫章北戶云。以繁劇論，則饒州爲上，九江、南康次之，以衝要論，則九江爲上，南康、饒州次之。此其大凡也。明王世懋三郡圖說。

環郭外者爲龍沙，龍沙之外，滂淠長逝爲大江，大江之外，嶽崎羅列爲西山，西山之杪，北峙爲匡廬，大江之隈，東匯爲彭蠡。明潘恩攬秀樓記。

江右地分，河山間方，廣數十里，統十有三郡。明錢習禮亭記。

負江依湖，南臨兩廣，北接宣、楊，西控楚，東翌浙。明鄧元錫方域志（一）。

南昌在湖之南。湖東爲撫州，東南爲建昌，又東爲廣信。湖西爲臨江，西南爲袁州，又西南爲吉安。湖西北爲南康，又西北爲九江，東北爲饒州。而九江牽制沿江諸郡，且與南康密邇，巨湖吞浸，寔要害之重關也。瑞州却湖而負山，南安、贛州去湖益遠，在省治極南，以五嶺爲屏翰，而汀、漳、雄、韶，諸山跨絡，林箐茂密。斯爲盜藪，故設督撫重臣以臨之。明郭子章郡邑表說（四）。

江西三面距山^{〔五〕}，背沿江、漢，當吳、楚、閩、粵之交，南昌其都會也。九江爲江、楚鎖鑰，贛州介在南服，南安阻憑庾嶺，南康、饒州夾彭蠡以列郡，而康不逮饒。吉安、撫州人才甲諸郡，建昌事簡而殷，瑞州地僻而阜，廣信衝而疲，臨安衝而逸，袁州密邇楚境。此江右之大較也。劉斯樞賦統會。

南昌府

在江、湖之間，東南一都會。宋曾鞏修城記。

漳水北經南昌城，西歷白社，又北歷南塘，其東爲東湖。曾鞏徐高士祠記。

茲郡之勝，寔爲東湖。宋楊億涵虛閣記。

大江之西，處都會而山水佳者，洪爲最。宋余靖洪州學記。

列岫橫青^(六)，龍沙飛白，迤逦突兀於江干之西。明范涑鐘鼓樓記。

地勢自虔州北折千里，或浸爲湖，或聳爲阜，似日者，似月者，似虎踞者，似龍蜿蜒者，悠悠累累^(七)，息於章江之濱^(八)。明萬恭南昌學記。

平原綿衍，贛、汝交流。南昌形勝志。

群山翼赴，衆水朝宗。同上。

新建，江右之鉅邑也，境益會省。明陳宏緒新建學記。

層峯疊嶂，秀出雲霄，多仙靈窟宅。明喻均新建志。

厭原奇麗，雙江匯環，蓋都會雄觀。新建前志圖記。

洪都壯邑，厥水惟豐。池水躍龍，芙蓉浴日。宋劉鄉豐城志序^(九)。

豐城爲縣，壯哉一旦，紫氣騰蹕，上薄斗牛，而物華天寶，人傑地靈，益翕炳煥。宋徐鹿卿豐城志序。

豐城爲吉、贛下流，地勢窪甚，春夏水暴，至匯爲巨澤，縣兀然居中。宋劉德秀豐城堤記。

章水經北，曲江匯東，帶二水之長流，襟三江之長雄。宋王孝友豐水賦^(一〇)。

羅山峙其南，贛江環其北。沅、富州形勝志。

豐城古澤國也，當五郡之水衝。明李瑄仙壇石埽記^(一一)。

進賢爲豫章壯邑，延袤凡數百里。明王一夔進賢成化志序^(一二)。

台山列屏，曲水縈帶。明陳應元進賢修學記。

邑東有河，其源出臨川之榑嶺，紆迴百餘里，合東流至邑。明王英進賢縣青龍橋記。

北湖澄淵，緱山砥柱，洞陽蕩其西，瑞洪浸其東。萬恭進賢縣形勝記。

豫章郡，三江之都會；奉新縣，五嶺之要衝。宋楊萬里南津橋記。

氣象平衍，面勢洪博。二四。北趨江、淮，南抵閩、粵，道路四達，商賈會通。宋桂如篴奉新華豐

樓記二五。

南昌之屬邑，唯新吳爲最，馮川敵其陽。二六。其地有高山峻嶺。明吳彥弘奉新通化橋記。

奉新在豫章西山之西，越嶺之東，山川秀麗。明趙理奉新志序。

山從修寧，若拱若揖，若波之湧，若龍之蟠，若驤之騰，似旗者，似鼓者，似筆者，似劍戟者，

東奔數百里，乃播爲大陸，衍爲周原。萬恭靖安學記。

綉谷雄盤，桃源紆阻。靖安形勝志。

武寧爲隆興西南壯邑。二七。山刻而水駛。元范梈武寧學記。

武寧最山川勝處，西江爲尤勝。幕阜、九宮，綿亘二山，秀出雲表，蓋吳、楚相入處也。宋楊

恢武寧王清萬壽宮記。

環武城皆山，蒼崖翠壑，古澗生風，峭壁層巒，飛泉瀑布。宋白玉蟾武寧湧翠亭記。

武寧爲縣，僻在萬山中，當修江上游^(一八)，水泉灌溉之利，峰巒岑鬱之美^(一九)，亦望縣也。明

陸深縣志序。

陸有劍閣列棧之雄，水有玉峽諸灘之險^(二〇)。武寧志。

寧州者，江右之大西蔽也。明萬思謙寧州銅鼓營記。

南山排於前，鳳山峙於後，清流急湍，環抱左右。明楊信寧州冠雲亭記。

南昌郡，故川陸一大都會也。仰虔、吉以控嶺表，倚潞浦以通江、淮，而形勝之險，寔與諸郡共之。東南則章、貢、盱、汝諸水建瓴，而豬於鄱陽、南、新、豐、進之濱^(二一)，號稱澤國。其西層嶽鳥道，綉錯楚疆，奸萌易於嘯聚。自平華林、碼礪以後^(二二)，奉、靖二邑，至今晏然。若寧州，僻在郡隅，鎮之以兵甲^(二三)，戍之以銅鼓石營，事乃有備。然興國、瑞昌之寇孽，多流入於寧武，伏戎肘側^(二四)，蓋尤不可無牖戶之防焉。南昌范志疆域論^(二五)。

瑞州府

西江道院，南服名邦。宋辛料院賀筠州尤守啓^(二六)。

筠爲州，在大江之西，其地僻絕。曾鞏筠州學記。

斷岩深壑，宛若洞府。蜀江志。

瑞本古筠，郡治在鳳山之陽，錦水自西南來，折而東注，界爲兩厓。明沈東瑞《州修城記》。

瑞城據錦水兩厓，在南曰南城，在北曰北城。明吳山《修城記》。

高安郡於江西稱「道院」，郡治在山間，而最高處有碧落堂，下俯萬山，一水穿城，南北岸萬家鱗鱗，樓臺皆可指數。明歐陽修道《重修碧落堂記》。

據鳳山，面錦水，昂然一郡之勝。明朱繼祖《學記》。

前瞻荷嶺，後倚華林。南唐殷崇義《祈仙觀記》_(二七)。

高安本豫章屬邑，居溪山之間。宋蘇轍《聖壽院記》。

高安爲江西上縣。元李潤《張令祠記》。

上高，筠之小邑，介於山林之間。宋蘇轍《上高學記》。

上高城周五里，蜀水中亘，爲關者四，分峙水南北，所以麗內外_(二八)，謹出入也。宋江湘《重修上

高城關記。

上高治北而市南，一溪自萬載發源，合新昌水，下走高安。宋馮椅《上高浮虹橋記》_(二九)。

山川映秀，帶麗如染。明黃景上《高學記》。

負敖峰，迎錦水。明吳學詩《上高正德書院記》_(三〇)。

林壑盤紆，川原迴遶_(三一)。宋劉願《新昌縣譙樓記》。

溪山深窈，左右拱揖。宋雷孝友新昌縣門記。

前則諸蠻戟列，後則疊嶂屏張。桂峰卓於左，螺山踞於右。鹽溪合月灣而東環（三三），東溪

合北流而西遶（三三）。明王相遷新昌學記。

南屏翰苑，北枕石門，桂嶺、螺山，東西對峙，鹽溪一派，曲折於祿陂（三四）、顧淵之間。新昌形

勝志。

郡在會省西南（三五），山紆水迴，雖屬上游，勢漸險隘，此高安、上高之名所由起也。上高又

在高安上游，西濱萬載（三六），地勢陡絕。新昌本割兩高之地爲縣，形勝在季孟間，西接皂山，北

接八疊，則亦駸駸傍楚而峻矣（三七）。瑞州山川圖。

袁州府

州小地狹。韓愈袁州謝表。

山水秀麗。太平寰宇記。

枕吳頭而盤固，壓楚尾而仰上。連屬群峰，迴環千里。宋李問仰山賦。

屏秀江、淮（三八），襟帶湖、湘，山平廣而無高險，水遠秀而無深險。宋阮閱郡城記。

城郭并邑，在迤邐衆山之中，如圖畫屏障。宋祖無擇廣豐堂記。

氣雄形壯，誠江右一巨鎮。明張春袁州城記。

袁州，江右大郡，當湖、湘之孔道。明申時行袁州府題名記。

袁郡東十五里曰上浦，當楚、蜀、滇、黔孔道。明鄒守益廣潤橋記。

袁州大郡也，山水秀麗，爲江右奧區。明吳節袁州府學記。

狀元洲雄居中央，迴瀾砥柱，一郡鎖鑰。明袁業泗廬洲三元閣記。

宜春爲郡，在江右上游，山川完固。虞集宣奉尊經閣記。

袁爲州，負山帶水，一水清瀉東北，入於大江，負城兩厓（三九），東乃驚湍，奔駛激射，不可以

舟。宋滕強恕平政橋記（四〇）。

袁在萬山中，山勢嵯峨，盤曲從西南來，有峰獨秀出於城南者，曰湖岡。明江皋湖岡臺記。

分宜爲袁鉅邑，山水秀明，仙臺外倚於仰山，秀江東馳於彭蠡。明汪諧重修分宜學記（四一）。

分宜邑治，前瞰秀江，源發於楚萍，至此渟滢，而邑西東，限以兩山，束以巨峽。明嚴嵩分宜萬

年橋記。

鈴岡列嶂屏圍（四二），四山周合，宛若城堞。分宜形勝志。

袁之西南，有縣萍鄉，水山淑清，羅霄、楊岐，秀氣所挺。宋劉清之萍鄉學記。

袁州之萍鄉以繁劇稱，厥壤沃而僻。宋卓津題名記。

山水明秀，拱揖環抱。明簡迪重修萍鄉學記。

北介兩省，當滇南、蜀、楚之衝。明袁一唯湘東營房記。

北祖楊岐之脈，鳳翼飛翔，南濱塔嶺之朝，筆峯卓立。左肩羅嶽，右臂徐仙，川澄玉鑑，洲擁

金鰲。萍鄉形界志。

地勢隱然，負山帶江。宋徐昇萬載縣治記。

萬載介群山之間。宋楊應萬載學記。

山有金雞、白塔、紫蓋之名，水有龍江、錦江、清泉之號。岩之可稱者，仙游、龍成也。（四三）。

橋之可題者，雙虹、南浦也。誠一郡之勝也。吳節萬載譙樓記。

萬，岩邑也。其山崒嶽，其水縈迴。袁業泗萬載志序。

宜陽多山水，而萬載特佳勝。明潘文奎桐岡書屋記。

萬載當郡北，更北則寧州境，東上高，西劉洋、鷺、鶴諸峯障之。郭子章郡邑表記。

左鷺峰，右鶴嶺，月臺居前，紫蓋翼後。萬載形界記（四四）。

臨江府

據瑞、筠之蜿蜒，枕金鳳之迤邐。東擁閤阜之葛峰，西亘蒙山之巨嶽，南環玉筍，北接劍江。

《隋志》。

當南粵、虔、吉舟車四會之衝。南唐吳鸞建清江縣議。

臨江大郡，譙樓偉觀。大蒙亘其北，閤皂峙其南。贛江、淦水會流而來^{〔四五〕}，金鳳、雙洲障

匯而瀦，誠西江之雄也。明王臣臨江譙樓落成宴集序。

臨江若太陰半月之形。地理志。

郡居江藩之樞，掖袁控瑞，通梁、粵，帶虔、吉。郭子章郡邑表記。

臨介在江、楚，有閤皂、玉笥以作其鎮，贛、袁、喻、峽以表其流，苞稽靈異^{〔四六〕}。臨江縣志。

清江縣治在蕭水之上^{〔四七〕}，章山之陽，石龍、金鳳，地靈攸存。明敖英清江縣題名記。

臨江爲江西大郡，而清江又麗郡之望邑，勢控上游，山環水秀。明錢溥清江學記。

清江之有水患，自昔已然。明程遠重修沙泊題碑記。

清江居豐城上游，水自吉文，經玉峽，歷金川，至龍洲、鳳城、蕭灘，則曲折回互，與地勢相環

抱。明張澈清江送別詩序。

當水陸之衝，通八省之利。明熊化樟樹鎮記。

淦居洪州上游，有金沙、玉笥之勝。明張鑒新淦志序。

占西江之上游，表東南之孤清。明金幼孜玉笥山賦。

新淦與白下、螺川無以甚異，城頭山突起其側，又一邑之門戶也。明曾同亨城頭文昌塔記。

新淦與吉州俱屬湖西，其邑群峰卓舉，川光明媚。明鄭元標新淦學記。

東有柱、天二峯，西迎章、貢二水，南障玉笥、羊角，北峙鳳山、疊障。新淦形勢說。

章、貢之巨浸，澎湃西北，湄、湘之碧澗，縈繞南山。明陳以運新淦志序。

其治在四大山之中，秀水淵注。虞集新喻學記。

臨四邑，獨喻限長江上游。明劉崧新喻新城記。

葛峰環其東，蒙嶺據其北，鍾山、鼎山之秀，位乎西南之郊，虎瞰山獨隱然居其中，世傳五星

莫位(四八)。張澈新喻縣治記（四九）。

袁江之水逶迤來朝，悠揚縈迴於虎瞰中峰之下，以達於大江。明傅鶚新喻鎮遠樓記。

蒙、喻邑之鎮山也。岡阜盤礴逶迤(五〇)，諸泉隨之而注，以達於渝水(五一)。張春新喻通濟

橋記(五二)。

峽江據臨上流，道里四會(五三)，星使輻輳。曾同亨黃邑令碑記。

峽故隸淦，與吉鄰壤。明錢德洪峽江志序。

吉安府

府治據江上流。宋朱晞顏修吉州城狀。

南接贛江，北臨淦水，西控袁州，長沙〔五四〕，環抱幾千里。〔宋〕劉翥送吉安守序。

咽喉荆、廣，唇齒淮、浙，江山映帶，在肩宇間。〔宋〕劉彥登譙樓記。

五峰相次，頗類五老。〔方輿勝覽〕。

神岡揖其前，螺山歸其後，江流迴合，東走其下，古所謂天作之邦。〔郭子章〕郡邑表記。

吉州廬陵，古稱大縣。〔宋〕胡銓吉州學記。

吉安於江西爲劇郡，廬陵於吉安爲劇縣。〔元〕揭傒斯移廬陵縣治記。

山環水外，水環郭外。〔廬陵形勝志〕。

目螺川而望東南，其青青者，皆青原也。〔墨歷青原山水記〕。

泰和據郡上游，城於古西昌地，控途水陸，道交、廣者由之。行商往來〔五五〕，通貨南北。〔明〕王

〔陶泰和縣治記〕。

〔院記〕〔五六〕。

前挹澄江，後引科嶺，金魚插其左，龍洲翼其右，此西昌山川之勝。〔明〕徐叔倫泰和板桂樓記〔五七〕。

吉水山漸開，遠溪益深廣。〔明〕劉定之重建吉水學記。

三面阻江，不隍而固。〔陳氏文江政略〕。

吉水負山襟江，沙嶼縈紆，龍飛鳳翥之概，傑出於青原、白鷺間。明王雅重修吉水縣堂記。

仁山翠律，文水縈迴。鄒元標吉水仁文書院記。

東山蜿蜒鎮其後，字水交流環其前，五岡蹲西，玉峽峙北，異峰、太平、仁山、墨潭，映帶左右，控上游而爲吉郡之喉嚨，非他縣之可擬也。（五八）。吉水形勢說（五九）。

廬陵之東邑爲永豐，有山叢叢，有水溶溶。揭傒斯永豐恩江橋記。

永豐，江右名邑，與文江、安成、西昌並峙而爭雄。明吳期照修恩江志序。

永豐三面距山，有鱗嶺、五花之險。郭子章郡邑表記。

安福介吳、楚之間，開闢專城，有掌固之職。明張鰲山四城樓記。

山水瑰麗，東陽、白雲諸峰，獻秀出奇，不可名狀，瀘水折北而東走（六〇），勢若蒼龍。（安福地

理志。

武功山自萍鄉諸山蜿蜒而來，特起二峰（六一），曰瀘、曰瀟，武功當二峰之中，號爲三奇。明趙

儀可（葛仙壇記）（六二）。

龍泉據吉州上游，西扼郴、衡，南控虔化（六三），東連分水，北綰新州，固四塞之區也。（郭子章郡

邑表記。

地界兩川，神秀所蟠。（胡銓萬安縣廳樓記）。

當水陸之衝，舟中漕運，交會於茲。明王汝南萬安縣志序。

萬安風土志。

俯惶恐灘，背粵王臺，聳芙蓉而列金鷺，由章、貢鼓棹中流，劃然開目，爲廬陵最上游之勝矣。同上。

右枕重岡，前引列峰。元李祈永新縣籌勝亭記（六四）。

寧據吉上游，崇山峻嶺，介新之西偏。鄒元標永寧志序。

寧處萬山中，險阻四塞，非舟車輻輳之會。郭子章郡邑表記。

撫州府

與兩粵、七閩犬牙其疆。唐獨孤及撫州新亭記（六五）。

居山川風雲之會，二水繞郭，五峰鎮城。宋州守家坤翁景定志。

潁汝水以爲郡，靈谷、銅陵諸峰，環列如屏障。宋謝逸文集序（六六）。

川融山結，鍾奇毓秀，江右之巨鎮也。宋趙與軫千金陂記。

連山高陵，野林荒墟，遠近高下，壯大閎闊，怪奇可喜之觀，環撫之東南。曾鞏擬峴臺記。

地方千里，介江湖之表。虞集撫州譙樓記。